

۱ مایس
۱۹۲۶

تورک تاریخ انجمنی

اون آلتنجی سنه
نومرو ۱۵ (۹۲)

مجموعه‌ای



تكملة الشقایق فی حق اهل الحقایق

(بکن نسخه دن مابعد)

شیخ احمد افندی

شام کبرای فضلاسندن شیخ احمد المحاسنی افندی .

احمد بن سلیمان بن اسماعیل بن تاج الدین بن احمد اولوب نسب شریفلری محاسن و فیه فی جامع اولان ذوات فضائلسماندن وسائط عدیده ایله اصحاب فخامدن تمیم داری رضی الله عنه الباری به متواصلدر .

شیخ احمد محاسنی شام شریفده ۱۰۹۵ محرمنک طقوزنجی صالی کیجه سی متولد اولدی . پدر معالی اثری مشارالیه شیخ سلیمانک نظارتلرنده قرآن عظیم الشانک حفظنی بعدالانجام علوم قرآثات قرآنیهدن سبعة عشره تقریب جهتلرینی تحصیله صرف اقدار ایلدی . علوم عالیہ و آلیہی شیخ عبدالغنی نابلسی ، شیخ احمد مینینی شیخ احمد غزی ، شیخ محمد کاملی ، شیخ محمد ابن احمد عقیلة المکی حضراتنک ، مجالس حقایق پناهیلرندن تحصیل ایتدی .

شامده (مدرسه امینیہ) ده مدرس (جامع اموی) ده خطیب اوله رق تدریس علوم ایتمک کتاب مطالعه ایتمک کبی امور متنوعه مقدسیه حصر اوقات ایدردی . ارتحاللری ۱۱۴۶ ذی الحجه سنک یدیسنده در .

مدفنی (باب الصغیر) قبرستانده در .

شیخ احمد

مدینه منوره افاضل بنامندن شیخ احمد .

احمد ابن ابی الغیث مدینه منوره ده ۱۰۷۰ ده تولد و کبرای فضلانک خلقه تدریس مدققانه لرندن اخذ علوم ایتدی . تدریس ایله اشتغال ایتدکلری اثناده (حرم محترم نبوی) دائره مفخمه سنک خطابتیله ممتاز اولدی . افاضل علمای ذوی الاحترامدن

انفاس متبركه اصحابندن معالى صفات بر ذات اولوب اسكندريه ده ۱۱۴۷ ربيع الاخيرينك اون يدنجي پنجشنبه كيجه سي ياتسو و قتي ارتحال دارنيم ايلدى. اسكندريه ده سيد احمد ابى العباس المرسى سيد ياقوت العرشى نك مراقدى جوارنده متواريدر.

شيخ احمد

احمد بن بكر بن احمد بن محمد شيخ احمد بطحيش ديو معروفدر. عكا كبراى علماسندن شيخ بكر ك صلبندن ۱۰۹۵ تاريخنده او بلده ده تولد ايتدى. بلده سنك جوارنده بولنان بلادك مدققين اساتذه سندن علوم متنوعه يي تحصيل ايتمش، عكا ده نشر علومه باشلامشدر. بر آراتق مفتيلكده ذات فقيهانسه توجه ايتمشدر. رحلتلى ۱۱۴۷ ده در. افضل فضلا و اكمل عرفادن بر ذاتدر. فنون عديده يه دائر تاليفات متعددله لى، ادبياتك اكثر جهتلى رنده كفايت مسلمهلرى واردر. علم فقهدن نام عالمانه لى آلتنده (فتواى ابن بطحيش). علم فقهدن (تنوير الابصار) يعنى در مختار اوزرينه حاشيه (الفية جيبه فى علم ميقات). علم فرائضدن ابن شنه نك مشهور اولان منظومه سى اوزرينه شرح لطيف تاليف ايتدى. (سير حلى) يي اختصار و (مختصر سيرة الحليه) تسميه ايلدى. علم حسابدن (نزهة النظر فى علم الغيار). علم فقهدن (ملتقى الابحر) اوزرينه شرح تصنيف ايلدى. بونلره مماتلى خيلى مؤلفات كالاتماتلى واردر.

شيخ اسعد

اسعد بن محمد بن محمد بن يحيى بن احمد. ولادتى شامده تقريباً ۱۰۹۷ سالنده در. شام علماسندن شيخ محمد حبال مشاهير محدثيندن اولوب حرمين محترمندن شامه كلش و تدريس ايله مشغول ايكن ارتحال ايتمش اولان شيخ محمد بن سليمان مغربيدن استحصال واستكمال كمال ايدهر ك ممتاز الاقران اولدى. صكره شام مالكي مفتيسى تعيين اولندى. تدريس ايله ده اشتغال ايدر ايدى. ۱۱۴۷ محرم نك يدنجي چهارشنبه كوني انتقالى وقوع بولدى. شامده (مرج و حداح) تبرستانده (تربة الذهبية) نام مقبره ده مدفوندر.

شيخ رمضان

رمضان بن احمد بن عبدالرحمن بن احمد . حلبده ۱۱۰۰ تاريخندن مقدم قدمهادة مهدي شهود اولدى . بلده سنك اعالي افاضلندن شيخ مصطفى حضر جاوى ، شيخ جابر ، شيخ محمد كيسى نك درس نحررانه لرندن مجدانه ، مدققانه اخذ علوم ايتدى . حلبده (منكلى) جامعى ياتنده خانه سنده اقشام ايله ياتسى آراسى فقه شريف ، سائر وقتلرده علوم سائردهن كتب نافعه تدريس وتقرر ايدردى . كبار علما وعرفادن ممدوح . الحاصل برولى كامل ايدى . ارتحالى ۱۱۴۷ تاريخنده در . حلبده عظمى مشايخ واصلندن شيخ تيمرك مرقدى جوارنده دفيندر . طريق قادرى كبار مشايخندن شيخ قاسم خانيدن منتسب ومستخلف اولان عارفين عالميندندر .

السيد محمد ابو سعيد افندى

طريق جلوتينك مؤسسى پير هداى عزيز محمودك بنات محترمه لرندن شريفه فاطمه نك مخدومى سيد عبدالحى افنديك اوغلى اولوب بروسه پايه سى ايله آنقره ملاسى ايكن ۱۱۰۰ تاريخنده وفات ايدن عماد زاده سيد محمد ابوالسعود افنديك نجل نجييدى . استانبولده طوغدى . جدى مشاراليه عبدالحى افنديك رحلتنده پدرى ابوالسعود افندى كوچك قالوب ترخان خديجه والده نك عماد افندين تربيه كورمسنه وتحصيل معارف ايتمسنه پدرانه نظارت ايتمسيه عماد زاده افندى شهرتى حائز اولدى . علمى اعلامدن علماً استفاده ايله ده تميز ايتدكدن صوكره بر آراق مدرس وشيخ الاسلام ابواسحق اسماعيل افندى يه داماد اولمش ايدى . ۱۱۳۹ محرمنده سلانيك مولوتى ، ۱۱۴۳ ربيع الاولنده افطس زاده زين العابدين افنديك يرينه نقابت اشراف منصب جليلى توجيهيله تحيل ايدلى . ۱۱۴۴ جمادى الآخره سنده ادرنه مولوتى توجيه اولندى . بو مأموريتلى نقابتدن ضرورى انفصاللىنى ايجاب ايتديرمكله ادرنه يه كيدوب امور مأموره ليله اشتغال ايتدى . مولويتده مدتلى اولان برسنه نك تكميلنده آره صره استانبوله عزيمت وعودت ايدى ادرنه ده ۱۱۴۷ ربيع الاولنك يكرمى طقوزنده انتقال ايدلى . مشاراليه حليه علوم وفضائل

ایله آراسته وزیر کالات انسانیه ایله پیراسته برذات معالیمات ایدی. جد اعظمی پیر هدائی عزیز محمود قدس اه اسرارہنک تاسیس ایتدیکی طرقت جلیله جلوتیهنک ارکان معالی بنیانی وجهله ذات کالاتپناهیلرندن انتساب واستخلاف ایدن کملین اولیاءاللہدن رئیس الخلفا بالیکسریلی شیخ احمد افندینک خلفاسندن شیخ جنت افندینک خلفاسندن طوپخانہلی شیخ ولی الدین افندینک انتساب واستخلاف ایدن علما و عرفای ذوی الاحترامدندر.

شیخ سعید

سعید بن عبدالقادر بن بهاءالدین بن بنهان بن جلال الدین . شامده ۱۰۸۰ تاریخندن صوکره جه تولد ایتدی . اکابر افاضلن شیخ عثمان شمعہ، شیخ عبدالغنی نابلسی و شیخ محمدالمعارینک درس محققانه لرندن تحصیل علوم ایلدی . ۱۱۴۷ جمادی الآخر سنک اون دردنجی چهارشنبه کونی منتقل دار بقا اولدی . (مرج و مداح) قبرستانده متواریدر .

شیخ علی

موصلده ۱۰۶۰ تاریخنده موصل عالم شہود اولدی . بلده سنک افاضلی اولان ذواتک مجالس عالمانه لرندن تحصیل علوم ایدہرک بر آراق بغداد مفتیسی اولمش ایدی . صوکره ایکی سنہده موصل مفتیلکنده بولنہرق ۱۱۴۷ سنہسنده منتقل دار بقا اولدی . مدفن موصلدهدر . تدریس ومطالعه ایله فاضلانه عمرینی کچرن قدمای علمادندر .

شیخ محمد

محمد الخلیلی ابن محمد بن شرف الدین . ولادتلی قدسدهدر . شیخ حسین غزالی و شیخ شمس الدینک همات معالی غایات حقایقہروریلرندن اخذ فیوضات ایدہرک نادرا لاقران برذات اولدی . فقه وحديث فنون جلیله سنی تدریس وتقریر ایله نشر انوار علوم ایدن ذوات عالیہدندر . دارالانس قدسه انتقاللری ۱۱۴۷ تاریخندهدر .

قبری قدسده (مدرسه بلدیہ) داخلندہ زیارت اولنقدہ اولان مراقد مبروکدندرد.
اعظم وافاضل علمادن مشوار عارفانہنی جامع ذوات شریفہدندرد. طریق شعبانی
قدوہ مشایخندن فرید عصر شیخ مصطفی البکری کبی بر ذات بو ذات عالی قدرک
مجلس عارفانہسندن علوم متنوعہنی تحصیل ایتشدرد.

شیخ عمر

شیخ عبدالحی نام ذاتک صلبندن (طرابلس شام) ده طوغدی. مدرسیندن
ایکن ۱۱۴۵ ده طرابلس شام مولوتی ویرلدی. مولوتندہ مدت عرفیہسنی اتمام
ایدہرک ۱۱۴۷ ده وفات ایتدی. مملکتندہ مدفوندر. فضلی ظاهر، صاحب مآثر
بر ذات اولوب علی الخصوص علم فقہدہ زیادہ فضیلتی ایدی. امام نووینک (اربعین
نووی) اسمیلہ تدوین بیوردقلری کتاب حقایق نصابی (الدررالسنيہ) نامیلہ شرح
ایتدی.

شیخ عبدالسلام

عبدالسلام بن محمد بن علی بن محمد. فی الاصل شام ملحقاتندن (بقاع) قریہلرندن
(کامدالوز) قریہسندن اولملریله (کامدی) دن غلط (کاملی) شهرتنی حائز اولدی.
ولادتلی شامده ۱۰۸۰ تاریخندن صوکره جه در. پدری شیخ محمد کاملی نک شیخ
ابراهیم قتال، شیخ عبدالقادر عمری، حنفی مفتیسی شیخ ابی المواهب، شیخ عبد
الرحیم کابلی، شیخ حمزه الدومی وشیخ یحیی قنایینک درس حقایق پناہیلرندن
استحصال واستکمال کمال ایتدی. برعالم کامل اولدی. تدریسات ایله اشتغاله صرف
اقدامات ایتدیکی حالده ۱۱۴۷ رجبینک یکریمی برنجی جمعه کونی نسخه حیاتی تکمیل
ایتدی. (باب الصغیر) ده بلال حبشی علیه رضوان الباقی حضرتتیرینک مرقد جوار
فیوضات مدارینہ دفن ایدلدی.

عصمت

